



Broj: 10-37- 9791-2 /17
Sarajevo, 15.05.2017.godine

SKUPŠTINA KANTONA SARAJEVO
-Služba za Skupštinske poslove-

PREDMET: Odgovor na zastupničku inicijativu

Zastupnica Mersiha Mehmedagić je na 26. Radnoj sjednici Skupštine Kantona Sarajevo održanoj 22.3.2017. godine, u okviru tačke Dnevnog reda „Zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, prema Ministarstvu zdravstva pokrenula sljedeću zastupničku inicijativu:

„Molim Ministarstvo zdravstva da razmotri ukidanje smjernica koje osiguranicima vremenski ograničavaju nabavku lijekova po cijeni koju priznaje ZZO KS, te da uskladi B listu u tom dijelu sa Federalnom B listom lijekova gdje tih ograničenja nema“.

U vezi sa pokrenutom zastupničkom inicijativom, Ministarstvo zdravstva dostavlja sljedeći

ODGOVOR

Ministarstvo zdravstva Kantona Sarajevo je zastupničku inicijativu dostavilo Zavodu zdravstvenog osiguranja Kantona Sarajevo koji, kroz informacijski sistem, prati potrošnju lijekova sa liste lijekova te sačinjava izvještaj o potrošnji. Odgovor koji smo dobili od pomenutog Zavoda vam dostavljamo u prilogu ovog akta.

Međutim, smatramo potrebnim istaći da prema Svjetskoj zdravstvenoj organizaciji (WHO Polisy Perspectives on Medicines. Promoting rational use of medicines: core components. Geneva:WHO,2002), cilj dostupnosti lijekova je da svi esencijalni lijekovi moraju biti dostupni pacijentima u svako doba i u svim dijelovima zemlje i da pacijent radi finansijskih troškova ne bude lišen lijeka koji mu je potreban. Aktivnosti koje doprinose ostvarivanju dostupnosti lijekova su:

- izbor esencijalnih lijekova, selekcija esencijalnih lijekova čini najvažniji dio politike lijekova, kao važan korak u obezbjeđivanju dostupnosti lijekova i značaja za osiguravanje racionalne farmakoterapije,
- obuhvat lijekova listama koje se finansiraju iz sredstava zdravstvenog osiguranja uskladiti sa finansijskim mogućnostima sistema zdravstvenog osiguranja,
- jasni i transparentni kriterijumi, za pripremu svih listi lijekova koje se finansiraju iz sredstava zdravstvenog osiguranja,
- sistemski regulisati način i postupak snabdijevanja lijekovima za liječenje rijetkih oboljenja,
- uvesti i razraditi mehanizme kontrole pridržavanja smjernica,

- farmako-ekonomske elemente i praktično uzimati u razmatranje prilikom donošenja odluka o uvrštavanju lijekova u liste lijekova,
- finansiranje lijekova odnosno finansijska održivost zahtijeva balans između potražnje, koštanja i sredstava na raspolaganju. Kako su ta sredstva ograničena, važno je koristiti ih za zadovoljavanje najneophodnijih potreba odnosno važno je njihovo kost-efektivno korištenje.

Shodno osnovnim ciljevima Svjetske zdravstvene organizacije i lista lijekova Kantona Sarajevo sadrži stručno utemeljene smjernice za primjenu lijekova, sačinjene na osnovu moderne evropske prakse utvrđenu od strane Agencije za lijekove i medicinska sredstva BiH i/ili European medical Agency (EMA) i/ili National Institut for Health And Care Excellence (NICE) i/ili British National Formulary (BNF).

Smjernice i ograničenja u primjeni lijeka, podrazumijevaju uključivanje lijeka na osnovu određenih dijagnostičkih pretraga i parametara, praćenje djelovanja lijeka, kontrola nakon određenog vremenskog perioda, te vremensko ograničenje za upotrebu lijeka u toku liječenja. Nasuprot tome, indikaciono područje svakog lijeka je definisano od strane Agencije za lijekove i medicinska sredstva BiH prilikom stavljanja lijeka u promet, a ista su sadržana i u Federalnoj esencijalnoj listi lijekova.

Smatramo potrebnim istaći da stanovništvo Kantona Sarajevo ostvaruje najveća prava u lijekovima i to lijekovima koji pripadaju B listi lijekova a koja nema status obavezujuće liste lijekova za kantone.

S poštovanjem,



MINIS. ERICA

Zim. [redacted] [redacted]



web: <http://mz.ks.gov.ba>
e-mail: mz@mz.ks.gov.ba

Tel: + 387 (0) 33 562-104 Fax: + 387 (0) 33 562-243



ZAVOD ZDRAVSTVENOG OSIGURANJA
KANTONA SARAJEVO
Ložionička br.2, Sarajevo
Tel. +387 33 72 52 20
Fax +387 33 72 52 95
e-mail: kzzobib@lol.ba



INSTITUTE FOR HEALTH INSURANCE
CANTON SARAJEVO
Ložionička br.2, Sarajevo
Tel. +387 33 72 52 20
Fax +387 33 72 52 95
e-mail: kzzobib@lol.ba

Broj:01-01-14857-I/17

Sarajevo, 03.05.2017. godine

KANTON SARAJEVO
MINISTARSTVO ZDRAVSTVA
N/R MINISTRICA, ZILHA ADEMAJ, DIPL.OEC

Predmet: odgovor na zastupničku inicijativu


Poštovana,

Vašim dopisom broj 10-37-9791-1/17 od 14.04.2017.godine traži se izjašnjenje na zastupničku inicijativu u vezi sa eventualnom izmjenom smjernica sa lijek betahistin, odnosno od Zavoda traži obrazloženje utvrđivanja ove smjernice odnosno perioda korištenja na teret sredstava Zavoda.

Prema važećim zakonskim propisima, Ministar zdravstva Kantona Sarajevo imenuje stručnu nezavisnu Komisiju za lijekove koja inovira i sačinjava prijedlog Listi lijekova (uključujući i prateće smjernice za korištenje lijekova), a koja se onda putem Ministarstva zdravstva Kantona Sarajevo dostavlja Vladi Kantona Sarajevo na usvajanje.

Kada su u pitanju ograničenja za korištenje pojedinih lijekova, podsjećamo da su sastavni dio liste lijekova i obavezujuće smjernice za korištenje lijekova koji se izdaju na teret Zavoda, a koje prema doktrinarnim stavovima zdravstvenih profesionalaca utvrđuju način racionalne upotrebe pojedinih grupa lijekova. U ranijim periodima evidentiran je veliki broj slučajeva neracionalnog korištenja pojedinih grupa lijekova (lijekovi su propisivani za bolesti za koje nisu inicijalno namijenjeni, lijekovi su korišteni dosta duže nego što je to bilo preporučeno i sl.) što je za posljedicu imalo i nerealno visoke godišnje troškove pojedinih lijekova koji se izdaju na teret Zavoda. Inoviranjem i implementacijom obavezujućih smjernica za korištenje lijekova (između ostalog i za lijek koji je predmet Vašeg upita), utvrđeno je pravo osiguranika Zavoda za koju bolest, koliko dugo, u kojem vremenskom intervalu i pod kojih okolnostima mogu koristiti pojedine lijekove na teret sredstava Zavoda. Važno je naglasiti da su obavezujuće smjernice sastavni dio svih listi lijekova u BiH i u okruženju. Kao primjer opravdanosti postojeće smjernice dajemo i primjer smjernice koju koristi Hrvatski zavod zdravstvenog osiguranja pod šifrom „pn17“ a koja glasi: „Samo za liječenje dijagnosticirane Menierove bolesti, po preporuci specijalista neurologa ili otorinolaringologa, najviše do 3 mjeseca“.

S poštovanjem,



[Redacted signature area]

Mijenio: spec. prim. spec. Samir Tarković

